



## Bordi i Zyrës së Rregullatorit për Energji

### Duke u bazuar në:

- Nenin 8 paragrafi 1 nënparagrafi 1.6, nenin 14 paragrafi 2 nënparagrafi 2.7 dhe nenin 25 të Ligjit për Rregullatorin e Energjisë (Nr.03/L-185);
- Nenin 4, 5 dhe 13 paragrafi 1 nënparagrafi 1.2, nenin 14, neni 15 paragrafi 1 dhe nenin 16 të Rregullës për Procedurën e Autorizimit për Ndërtimin e Kapaciteteve të Reja;
- Aplikacionin për Autorizim për ndërtimin e kapaciteteve të reja gjeneruese për prodhimin e energjisë elektrike nga uji, në Lumin Lepenc, që përbëhet prej katër (4) njësive gjeneruese; HC Shtërpce me kapacitet prej 2.47 MW, HC Bitinja 2.1 MW, HC Vica 2.5 MW dhe HC Brod me kapacitet prej 2.5 MW, në total prej 9.57 MW, në komunën e Shtërpcës, të datës 29.03.2013 të ndërmarrjes "Matkos Group" sh.p.k., me adresë "Veternik", KK Prishtinë, Republika e Kosovës,
- Kërkesën/aplikacionin për shndërrimin e Vendimit mbi Njoftimin për Autorizimin Preliminar në Autorizim për ndërtimin e kapaciteteve të reja gjeneruese për prodhim të energjisë elektrike nga Uji, në Lumin Lepenc, në komunën e Shtërpcës, të datës 19.06.2014 të ndërmarrjes "Matkos Group" sh.p.k., me adresë "Veternik", KK Prishtinë, Republika e Kosovës,
- Kërkesën e datës 15.09.2014 për shkrirjen e dy njësive HC Bitinje me kapacitet prej 2.1 MW, dhe HC Vica me kapacitet prej 2.5 MW, në një hidrocentral HC Vica me kapacitet total 4.6 MW që do të ndërtohet në Lumin Lepenc, KK Shtërpce; dhe
- Kontratat, lejet, pëlqimet dhe vendimet e lëshuara nga institucionet përgjegjëse, si në shtojcën II. të këtij vendimi,

në seancën e mbajtur me datë 11 nëntor 2014 nxori këtë:

## V E N D I M PËR LËSHIMIN E AUTORIZIMIT

- I. I lëshohet **AUTORIZIMI** shoqërisë "Matkos - Group" sh.p.k., për ndërtimin e kapaciteteve të reja gjeneruese për prodhimin e energjisë elektrike nga uji, për HC Bitinja 2.1 MW, HC Vica 2.5 MW, bashkohen në një objekt të Hidrocentralit HC Vica me kapacitet total të instaluar prej **4.6 MW**, në Lumin Lepenc, ngastrada kadastrave nr. 1373, certifikata e paluejshmërisë P-72717031-01373-0, në sipërfaqe 1093 m<sup>2</sup>, ZK Drekocë, komuna e Shtërpcës.

### A r s y e t i m

- o ZRRE me datë 29.03.2013 nga shoqëria "Matkos - Group" sh.p.k., ka pranuar aplikacionin për marrjen e autorizimit për ndërtim të kapaciteteve të reja gjeneruese për prodhim të energjisë elektrike nga uji, në Lumin Lepenc, që përbëhet prej katër (4) njësive gjeneruese; HC Shtërpce me kapacitet prej 2.47 MW, HC Bitinja 2.1 MW, HC Vica 2.5 MW dhe HC Brod me kapacitet prej 2.5 MW, në total prej 9.57 MW, në komunën e Shtërpcës.




- ZRRE pas konstatimit se apikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga uji, me datë 28 qershor 2013 ka Lëshuar Vendimin mbi Njoftimin për Autorizimin Preliminar Nr. V\_541\_2013, dhe ka udhëzuar aplikuesin që ti plotësoj kërkesat tjera ligjore që kërkohen me legjislacionin në fuqi në Kosovë.
  - Vendim mbi njoftimin për autorizimin preliminar, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
  - Vendimi mbi Njoftimin për Autorizimin Preliminar, është lëshuar në afat (2) dy vjeçar, dhe në këtë vendim përcaktohet se shoqëria “Matkos - Group” sh.p.k., do t’i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
  - ZRRE me datë 19.06.2014 nga shoqëria “Matkos - Group” sh.p.k., ka pranuar kërkesën për shndërrimin e Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhim të energjisë elektrike nga Uji në Autorizim, për HC Bitinje dhe HC Vica, në lokacionin “Drekoc”, në Lumin Lepenc ZK Drekoc, komuna e Shtërpcës, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore, të drejtën mbi shfrytëzimin e tokës, të drejtat mbi shfrytëzimin e ujit, Lejen ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
  - ZRRE me datë 15.09.2014 ka pranuar kërkesën për shkrirjen e dy njësive HC Bitinje me kapacitet prej 2.1 MW, dhe HC Vica me kapacitet prej 2.5 MW, në një hidrocentral HC Vica me kapacitet total 4.6 MW, ZK Drekoc, që do të ndërtohet në Lumin Lepenc, KK Shtërpce.
  - ZRRE me datë 28.10.2014 nga shoqëria “ Matkos – Group” sh.p.k., ka pranuar Pëlqimin Ujor të ndryshuar , nr. 3449-2/14 – ZSP- 1178/2014 dt. 28.10.2014, të Lëshuar nga MMPH, me ndryshimin e kapacitetit instalues të HC Vica me kapacitet prej 4.6 MW.
  - ZRRE, pas vlerësimit të dëshmive të bashkangjitura dhe pranimi të dëshmive tjera plotësuese, të kërkuara nga ZRRE, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.
- II. Vendimi për Autorizim i lëshohet shoqërisë “Matkos - Group” sh.p.k., për dy (2) vite, dhe obligohet që brenda kësaj periudhe të ndërtoj stabilimentet e reja gjeneruese nga Uji.
- III. Vendimi nxirret në gjuhën shqipe dhe do të përkthehet në gjuhën serbe. Në rast të mospërputhjes në mes të versioneve, do të mbisundojë versioni në gjuhën shqipe.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.





**Këshillë juridike:** Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

*Bashkangjitur Vendimit janë Shtojca I dhe Shtojca II.*

**Bordi i ZRRE-së:**

  
Enver Halimi, kryesues

  
Merita Kostari, anëtar

  
Krenar Bujupi, anëtar